

10. Tuparcani secuta.

Ñuca yarcapi rircani sachama puringapa. Chaipi tuparcani secuta.  
Balarcani escupitahua, mana huafürea secu.

Chai huasha mascarcani, mana tuparihuarca. Chai huita ucuta mascasa  
puricani secu balascata. Chaipi cuti tuparcani armadillota tuparcani  
chaita. Huasha tullupi balarcani escupitahua. Chaipas mana huafürea. Mascarcani,  
mana tuparihuarca.

Chai huasha rircani mas chupima, sachama ñambisa rircani. Chaipi shu  
jatu ñambita tuparcani, chupima rira ñambita. Chaita catisa risa yacu  
huahuama pactarcani. Chaimandalla tigramurcani huasima shamurcani. Shu  
dombiquita huanchircani, chaillahua pactamurcani huasima. Chai chupi  
ñambipi puñufuscarca shu yura pallcapi. Yutu chaita mana ricusa cacharcani.  
Chasna quishpisa yapa yuyarircani, "Imatata micusha?" nisa yuyarircani  
yututa quishpisa.

Shu cuti ishcai pura ~~xxx~~ rircanichi sachama puringapa primo  
jirnanduhua huanchircanichi shu ardilla, chai huasha shu yutu. Mas  
chupima rircanichi puringapa, mana imas tuparirca. Chai chupi ñambimandalla  
tigramurcanichi huasima. Shamurascapi shu urpita huanchirca escupitahua  
balasa. Mas cainita chaipi shu papalli tiascarca. Chaita quishpirca,  
mana balachirca. Chaihuasha shamurcanichi mana imas tuparirca. Chai  
ishcai shitullata apamurcanichi huasima. Chaita micurcanichi ~~ya~~ yanusa chai  
yututa.

Chai huasha cayandi huasha cunamay shu challuhuata randircani  
amigo Juanda. Chai huasha chai challuhuata micurcanichi ishcai punchacta.

Shu uras Iladiopa huasipi pasiyarcani. Chaipi carahuarca achca micunata  
shu plato jundacta, shu tason ~~h~~ asuata upiarcani. Chunga muyu chuntata  
carahuarca Iladio paipa huasipi.